

Učesnici "Maršja mira" Za osam dana prepješačili 220 kilometara

11/07/2013 11:08 by Administrator

Učesnici "Maršja mira Nežuk - Srebrenica 2013" stigli su danas oko 17.30 sati u Memorijalni centar "Potočari". Učesnike Maršja je dočeka načelnik srebrenice Ćamil Duraković. Na čelu kolone bile su dvije djevojčice, petogodišnja Amina i šestogodišnja. Ajla u pratnji Visokog predstavnika u BiH Valentina Inzka - potvrdio je za Fenu predsjednik Pododbora za organizaciju "Maršja mira" Muhizin Omerović.

Dodao je da je ovo bio jedan od najdostojanstvenijih marševa do sada te smatra da je ovogodišnji marš poseban. U putu do Potočara, kazao je on, imali su problema zbog kiše, ali ih ništa nije moglo zaustaviti.

- Tabute s posmrtnim ostacima žrtava genocida do Musalle ćemo prenijeti nakon dolaska ostalih kolona iz Bihaća i Sarajeva - najavio je Omerović.

Prema planu, nakon toga slijedi vjerski program.

Učesnici će večeras prenoćiti u kampu Potočari, a sutra će učestvovati u obavljanju dženaza namaza i ukopu identificiranih 409 žrtava genocida.

Oko 5.000 učesnika maršja je od 8. jula prepješalo 86 kilometara od Nežuka do Potočara.

"Maršja mira" postao je međunarodna manifestacija te se veliki broj ljudi iz svijeta pridružuje maršu.

Učesnici "Maršja mira Sarajevo - Nežuk - Potočari 2013" također su stigli do Potočara nakon što su za osam dana prepješali 220 kilometara od Sarajeva do Potočara.

- Svih 42 učesnika su dobro. Kolege koje su zadužene za logistiku su već postavile šatore u Gornjim Potočarima. Jako smo umorni, ali ponosni - izjavila je za Fenu članica Organizacionog odbora Lejla Ćaušević-Sušeska.

Ovogodišnji Marš iz Sarajeva održava se drugi put. Učesnici pješali su od Sarajeva do Nežuka, a onda se priključuju "Maršu mira" koji iz Nežuka kreće do Potočara.

Na ovaj način se obilježava godišnjica genocida u Srebrenici i odaje počast žrtvama genocida u julu 1995. godine.

Izvor vijesti: Vijesti.ba/Fena